





## **LG- CLUS Meet**

लैफ्टिनेंट गवर्नर मनोज सिन्हा होरें कल लोकभवन जम्मू च कलस्टर युनिवर्सिटी श्रीनगर दी युनिवर्सिटी काउंसल दी दुई बैठक दी प्रधानता कीती। इस मौके पर युनिवर्सिटी काउंसल ने केंई सारे अहम फैसले लेंदे होई केंई प्रस्तावें गी मंजूरी बी दिती जिंदे च अब्दुल अहद अज़ाद Chair दी स्थापना ते UGC दे दिशा-निर्देशें मूजब ते राश्ट्री शिक्षा नीति दे तैहत पोस्ट ग्रेजुएट पाठ्यक्रम आले ढांचे गी अपनाने दा फैसला बी शामिल हा। एल.जी होरें कलस्टर युनिवर्सिटी श्रीनगर गी निर्देश दिता जे ओह शैक्षणिक उत्कृश्टता ते विद्यार्थिएं दे कल्याण गी बढ़ावा देने आस्तै लोइदे सुधार अमल च आहनन। उ'नें युनिवर्सिटी गी इब्बी हुकम रसाल कीता जे ओह अपने प्रशासनिक कम्में च सुधार लेई e-office आली प्रणालियें गी अमल च आहनन।



## **LG- Assembly Prorogue**

उपराज्यपाल मनोज सिन्हा होरें विधानसभा दे सत्र गी औपचारिक तौर पर अन-मित्थे समें लेई अगड़ा पाई दिता ऐ। विधानसभा सचिवालय आस्सेआ जारी जानकारी मूजब जम्मू-कश्मीर पुर्णगठन कनून 2019 दी दफा 18 (2) तैहत हासिल इखतेयार दा इस्तेमाल करदे होई उप-राज्यपाल होरें इस बारे हुकम जारी कीता।



## **Itoo –Parl Committee**

शिक्षा मंत्री स्कीना इतू होरें जम्मू-कश्मीर दे दंडु दिनें दे दौरे पर आए दे मैहकमें कन्नै सरबंधत संसद दी स्थाई कमेटी दे सदस्यें कन्नै कल गल्लबात कीती। शिक्षा- महिलाएं- बच्चें- युवाएं ते खेड्डें मत्तल्लक संसद दी स्थाई कमेटी दे सदस्यें कन्नै गल्लबात दरान मंत्री होरें उनें'गी जम्मू-कश्मीर च शिक्षा दे खेतर गी उबड़ा चुक्कने लेई कीती जा'रदी पैहलकदमियें बारे जानकारी दिती। उनें आखेआ जे सरकार- राश्ट्री स्तर दियें शिक्षा प्राथमिकताएं ते आलमी सतह दे मानकें मूजब- इक तगड़ा शैक्षणिक तंत्र कायम करने बक्खी चेचा ध्यान देआ करदी ऐ।

<><><><><><>

### **Dy. CM Guru Nabha**

गोस्वामी गुरु नाभा दास जी महाराज हुंदा जन्म ध्याड़ा मुल्ख भरै दे होरनें हिस्सें आहला लेखा जम्मू-कश्मीर च बी मनाया गेआ। इस मौके पर All J&K Mahasha Sadar Sabha आस्सेआ इक कार्यक्रम दा जम्मू च सरिस्ता कीता गेआ। एदे च उपमुख्यमंत्री सुरेन्द्र चौधरी होरें हिस्सा लैता। मीडिया कर्मियें कन्नै गल्ल करदे होई उपमुख्यमंत्री होरें आखेआ जे गुरु नाभा दास महाराज जी हुंदी जयंति शांति प्रेम ते भाई-चारा फैलाने दा इक मौका ऐ। उनें आखेआ जे एह दिन एकता दी बेहतरीन मिसाल ऐ। उनें आखेआ.

<><><><><><>

### **Kundi Mushroom**

पिच्छले किश दिनें थमां होआ दी बरखा ते सिलन आहले बने दे मौसम दे चलदे भद्रवाह दे जंगल कुंडी मशरूम दे खजाने च तब्दील होई गेदे न। इस नैमत कन्नै मकामी लोकें खास करी

महिलायें गी बड़ा मता लाह हासिल होआ रदा ऐ। महिला इनें खुम्बें गी किट्ठा करिए बेचदियां न ते बजार च इनें खुम्बे दी खरी कीमत हासिल हुंदी ऐ। मुकामी लोकें जानकारी दिती ऐ जे एह खुम्बा पिच्छले किश बरे थमां इनें जंगले थमां घट्ट गै दिक्खने गी लब्बा'रदियां हियां। इनें खुम्बे गी किट्ठा करने आहले ते मुकामी लोकें आखेआ.

<><><><><><>

### **Prog. Announcement**

आकाशवाणी जम्मू दे प्रादेशिक समाचर एकांश आसेया सुरक्षित मातृत्व सरबन्धी राश्ट्री ध्याड़े दे मौके पर औंदे शनिवारें 30एं मिन्टें दा इक बशेष कार्यक्रम प्रसारित कीता जाहग- जेदा विषे होग- “जच्चे-बच्चे दी सेहत दिक्खभाल च बरोबरी: कोई बी मां एदे शा खुंजी नेई जा” 11 अप्रैल गी दपैहरी साइडे 12 बजे प्रसारित होने आहले इस कार्यक्रम च साढ़ी परोहनियां होडन- जम्मू- कश्मीर दे सेहत विभाग च कन्सलटेंट Gynecologist यानि महिला रोग विशेषज्ञ डाक्टर अंशु चाढ़क जेहड़ियां -इस विशे पर अपने माहिराना बचार सांझे करडन। इस कार्यक्रम दी मेजबानी साढ़ी न्यूज एंकर श्रुति खजूरिया आसेया कीती जाहग।

<><><><><><>

ते हुंन बाकि दिएं खबरें कन्नै श्रुति खजूरिया:-

<><><><><><>

### **Rana Tribal Livestock**

जनजातिय मामलें दे मंत्री जावेद अहमद राणा होरें मेंढर च आयोजित इक कार्यक्रम च शिरकत कीती। एदा आयोजन पशुपालन ते जनजातिय मैहकमे आसेआ कीता गेदा हा। इस कार्यक्रम दा मकसद जनजातिय समुदाय लेई आजीविका दे मौके गी होर बेहतर ते मज़बूत करना ऐ। इस कार्यक्रम दा सरिस्ता जनजातिय सरबंधी उप-योजना स्कीम तैहत जनजातिय समुदाय ते इस अबादी दे जीवन स्तर च बेहतरी आनने लेई कीता गेआ। इस स्कीम तैहत 5 पछेतरेँ ग्राएं दे लाभार्थिं गी जम्मू-कश्मीर दे बाहरा थमां आनियां गेदियां मंजां (Buffaloes) उपलब्ध करोआइयां गेइयां। 90 फीसद रकम सरकार ते 10 फीसद रकम लाभार्थी आस्सेआ दिती गेई।



#### **Div. Com –Stock Review**

जम्मू दे डिविजनल कमीशनर रमेश कुमार होरें जम्मू खिते च जरुरी चीजें-बस्ते दी सप्लाई दा जायजा लैता। इस बैठक च जम्मू खिते दे सारे जिलें दे डिप्टी कमीशनरें हिस्सा लैता। एदे इलावा सिविल ते पुलस प्रशासन दे केंई सारे वरिष्ठ अधिकारियें बी एदे च हिस्सा लैता। डिविजनल कमीशनर होरें रसोई गैस- पेट्रोल- डिज़ल- अन्नदाने- अस्पतालें च चीजें दी दस्तयाबी- सरकारी शिक्षा इदारें दे होस्टल ते होर दुए प्रमुख इदारें च चीजें-बस्तें दी उपलब्धता दा जायजा लैता।



#### **DIG -Army Adr Meet**

उधमपुर -रियासी रेंज दे DIG शिव कुमार शर्मा होरें कल फौज दी उत्तरी कमान दे उधमपुर हैडक्वार्टर च उत्तरी कमान दे General Officer Commanding –in-Chief लैफ्टिनेंट जनरल प्रतीक

शर्मा हुंदे नै मलाटी कीती। खिते च पुलस ते फौज बशकार तालमेल गी तगड़ा बनाने च इस बैठक गी इक महत्वपूर्ण गैह दे तौर पर दिक्खेआ जा'रदा ऐ। बैठक दरान खिते च रमानदारी ते स्थिरता जकीनी बनाने लेई सुरक्षा सहयोग- कार्रवाई सरबंधी तालमेल ते इस चाल्ती दे होरनें मामलें पर बी चर्चा कीती गई। फौजी कमांडर होरें शानदार सेवाएं लेई DIG होरें गी बड़ी मती प्रतिशठा आले आप्रेशन सिंदूर मैडल कन्नै सम्मानित कीता। इस बारे होर ब्यौरी देआ करदे न साढ़े उधमपुर संवाददाता.



### **GMC –Udhampur Ambulance**

उधमपुर आले सरकारी मैडिकल कालेज गी सांसद मकामी हलका विकास फंड तैहत नमिणं सुविधाएं कन्नै लैक इक मैडिकल एम्बुलेंस दान दे तौर पर दिती गई ऐ। इस गैह गी खिते च एमरजेंसी सेहत सेवाएं गी तगड़ा बनाने बक्खी इक महत्वपूर्ण गैह मन्नेआ जा'रदा ऐ। इस एम्बुलेंस दे कन्नै एमरजेंसी सूरतै च मरीजें गी तुरत इक थाहरा दुई थाहर पजाने च बड़ी सखाल होग। GMC उधमपुर दे मैडिकल Superintendent डाक्टर संजीव गुप्ता ते मकामी बसनीकें बी इस नेकी लेई केन्द्री मंत्री डाक्टर जितेन्द्र सिंह हुंदा आभार प्रगट कीता ऐ। आकाशवाणी समाचार कन्नै इस बारे गल्ल करदे होई डाक्टर संजीव गुप्ता होरें आखेआ.

इस फैसले पर अपनी खुशी जतांदे होई इक मकामी बसनीक विवेक गुप्ता नै आखेआ.

